

ქ. თბილისი

1. ხელშეკრულების დამდები მხარეები

ერთის მხრივ, ქალაქ თბილისის მუნიციპალიტეტის მერია (შემდგომში - „შემსყიდველი“), წარმოდგენილი ქალაქ თბილისის მუნიციპალიტეტის მერიის ადმინისტრაციის პირველადი სტრუქტურული ერთეულის ხელმძღვანელის (ადმინისტრაციის უფროსი) ვლადიმერ ჭილაძის სახით და მეორეს მხრივ, შპს „R-deluxe“ (შემდგომში - „მიმწოდებელი“), წარმოდგენილი მისი დირექტორის გიორგი გოგოლაძის სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

2. ხელშეკრულების საგანი, (შესყიდვის) ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

2.1 ხელშეკრულების საგანია ქ. თბილისის ბიუჯეტის სახსრებით, ქალაქ თბილისის მუნიციპალიტეტის მერიის ადმინისტრაციისათვის, 2020 წლის შობა-ახალი წლის დღესასწაულის აღნიშვნასთან დაკავშირებით, ანტუან დე სენტ-ეგზიუპერის „პატარა უფლისწულის“ მიხედვით დადგმული წარმოდგენის - „პატარა უფლისწული“ გამართვის ორგანიზების მომსახურების სახელმწიფო შესყიდვა, წინამდებარე ხელშეკრულებით გათვალისწინებული პირობების შესაბამისად, გამარტივებული შესყიდვის საშუალებით, „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „დ“ ქვეპუნქტის, „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს N13 ბრძანების მე-3 მუხლის პირველი პუნქტის „დ“ ქვეპუნქტის, „2020 წლის შობა-ახალი წლის დღესასწაულის აღსანიშნავად დაგეგმილი ღონისძიებების შეზღუდულ ვადებში განსახორციელებლად საჭირო საქონლისა და მომსახურების სახელმწიფო შესყიდვის გამარტივებული შესყიდვის საშუალებით განხორციელების შესახებ“ საქართველოს მთავრობის 2019 წლის 12 დეკემბრის N2610 განკარგულების, „ქალაქ თბილისის მერიისთვის სახელმწიფო შესყიდვის გამარტივებული შესყიდვით განხორციელების შესახებ თანხმობის გაცემის თაობაზე“ სახელმწიფო შესყიდვების სააგენტოს თავმჯდომარის 2019 წლის 10 დეკემბრის N4833 განკარგულებისა (SMP190004594) და ქალაქ თბილისის მუნიციპალიტეტის მერის 2019 წლის 2 დეკემბრის N1-610 ბრძანების შესაბამისად.

2.2 ხელშეკრულების შესყიდვის ობიექტია: 2020 წლის შობა-ახალი წლის დღესასწაულის აღნიშვნასთან დაკავშირებით, ანტუან დე სენტ-ეგზიუპერის „პატარა უფლისწულის“ მიხედვით დადგმული წარმოდგენის - „პატარა უფლისწული“ გამართვის ორგანიზების მომსახურების შესყიდვა. მომსახურების ხარჯთაღრიცხვა (დანართი N1) და გასაწევი მომსახურების აღწერილობა (დანართი N2) თან ერთვის ხელშეკრულებას და წარმოადგენენ მის განუყოფელ ნაწილს (დანართი 3 ფურცელი).

2.3 გასაწევი მომსახურების დეტალური ტექნიკური დავალება შეთანხმდება შემსყიდველსა და მიმწოდებელს შორის ხელშეკრულების მოქმედების პერიოდში ღონისძიების ფორმატიდან და საჭიროებიდან გამომდინარე.

2.4 ხელშეკრულების საერთო ღირებულება შეადგენს **129585 (ასოცდაცხრათას ხუთასოთხმოცდახუთი) ლარს**, შესყიდვის ობიექტის მიწოდებასთან დაკავშირებული ყველა ხარჯისა და გადასახადის ჩათვლით.

2.5 კლასიფიკატორის კოდი - **79952000 - ღონისძიებების ორგანიზება.**

2.6 ხელშეკრულება ძალაშია 2019 წლის 20 დეკემბრიდან 2020 წლის 28 თებერვლის ჩათვლით.

3. მომსახურების გაწევის ვადა, ადგილი და პირობა

3.1 მომსახურების გაწევის ვადა: 2020 წლის 5 და 10 იანვარი, დასაწყისი 20:00 სთ, წარმოდგენის ხანგრძლივობა არანაკლებ 45 წთ.

3.2 მომსახურების გაწევის ადგილი: ქ. თბილისი, პირველი რესპუბლიკის მოედანი.

3.3 შემსყიდველი იტოვებს უფლებას ხელშეკრულების გაფორმების შემდგომ მიმწოდებელთან შეთანხმებით შეცვალოს (დააზუსტოს) მომსახურების გაწევის ზუსტი თარიღი, დრო, ადგილი და გასაწევი მომსახურება.

4. გასაწევი მომსახურების ხარისხი

4.1 მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

4.2 მიმწოდებელი ვალდებულია შეტყობინების მიღებისთანავე განახორციელოს უხარისხოდ გაწეული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

5. ხელშეკრულების შესრულების კონტროლი (ინსპექტირება)

5.1 ხელშეკრულებით ნაკისრი ვალდებულებების შესრულების კონტროლს ნებისმიერ ეტაპზე ახორციელებს შემსყიდველი.

5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქალაქ თბილისის მუნიციპალიტეტის მერიის ადმინისტრაციის პირველადი სტრუქტურული ერთეულის ხელმძღვანელი (ადმინისტრაციის უფროსი) ან/და ქალაქ თბილისის მუნიციპალიტეტის მერიის ადმინისტრაციის ღონისძიებათა უზრუნველყოფის სამსახურის თანამშრომლები.

5.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

5.4 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა ხარვეზის ან ნაკლის აღმოფხვრა.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

6.2 ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირს წარმოადგენს ქალაქ თბილისის მუნიციპალიტეტის მერიის ადმინისტრაციის პირველადი სტრუქტურული ერთეულის ხელმძღვანელი (ადმინისტრაციის უფროსი).

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება განხორციელდება 2020 წლის ბიუჯეტის სახსრებით, გაწეული მომსახურების შესაბამისად, მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

7.3 იმ შემთხვევაში, თუ ამ ხელშეკრულების მე-13 მუხლით გათვალისწინებული წესით საჯარიმო სანქციის გამოყენებასთან დაკავშირებით შეტყობინებიდან 10 (ათი) კალენდარულ დღეში მიმწოდებლის მიერ არ იქნა წარმოდგენილი საჯარიმო სანქციით დაკისრებული თანხის გადახდის დამადასტურებელი დოკუმენტი, შემსყიდველი ვალდებულია მიღება-ჩაბარების აქტით განსაზღვრული შესყიდვის ობიექტის ღირებულების ანაზღაურებისას, ხელშეკრულების პირობების დარღვევის გამო საჯარიმო სანქციით დაკისრებული თანხა შემსყიდველის მიერ დაქვითულ იქნეს, რის შემდეგაც მიმწოდებელს ჩაერიცხება დარჩენილი თანხა.

7.4 წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა

(საჯარიმო სანქციები, ფორმა, ოდენობა და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის ან არაჯეროვნად შემთხვევაში გამოიყენება საჯარიმო სანქციები.

8.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში, მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 0.2%-ის ოდენობით.

8.3 ხელშეკრულების შეწყვეტის შემთხვევაში, მიმწოდებელს დაეკისრება ჯარიმა ხელშეკრულების საერთო ღირებულების 5%-ის ოდენობით.

8.4 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 10 (ათი) კალენდარული დღის ვადაში.

8.5 თუ შემსყიდველი არ ასრულებს წინამდებარე ხელშეკრულების მე-7 მუხლის 7.2 პუნქტის მოთხოვნებს, მიმწოდებელი უფლებამოსილია დააკისროს შემსყიდველს პირგასამტეხლო, მიმწოდებლისათვის ჩასარიცხი თანხის 0,02%-ის ოდენობით, ყოველ ვადაგადაცილებულ დღეზე.

8.6 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 მიმწოდებელი ვალდებულია შეატყობინოს შემსყიდველს ცალმხრივად შეწყვეტის შესახებ მიღებული გადაწყვეტილება, მისი მიღების საფუძველი და ამოქმედების თარიღი, ხოლო შემსყიდველმა აცნობოს მიმწოდებელს ცალმხრივად შეწყვეტის შესახებ მიღებული გადაწყვეტილება და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 მხარეს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ ხელშეკრულებით ნაკისრი ვალდებულებების დარღვევის შემთხვევაში;

ბ) შემსყიდველთან შეუთანხმებლად მიმწოდებლის მიერ ღონისძიების ფარგლებში გასაწევი მომსახურების ცვლილების შემთხვევაში;

გ) თუ შემსყიდველისთვის ცნობილი გახდა, რომ შემსყიდველი/მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

10. ფორს-მაჟორი

10.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორს-მაჟორის შემთხვევაში გათვალისწინებული შეღავათები არ ვრცელდება.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობის და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულებაში ცვლილებების შეტანა

11.1 თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

12. ღირებულება

12.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

12.2 ხელშეკრულების ღირებულებითი პარამეტრების შეცვლა დაუშვებელია, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

12.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

12.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

13. ურთიერთობა ხელშეკრულების დამდებ მხარეებს შორის

13.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ მოთხოვნის შემთხვევაში შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

13.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: საკონტაქტო პირი ბ-ნ გიორგი ბაბალაშვილი, მობილურის ტელეფონის ნომერი: 599-43-63-60; ელექტრონული ფოსტა: geobabalashvili@gmail.com;

ბ) შემსყიდველის შემდეგი რეკვიზიტები: საკონტაქტო პირი: ქ-ნ ნესტან შავლაძე, მობილური ტელეფონის ნომერი: 599-10-36-40; ელექტრონული ფოსტა: neka.com@gmail.com.

13.3 ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

13.4 შეტყობინება შედის ძალაში ადრესატის მიერ მისი მიღების დღეს.

14. სადაო საკითხების გადაწყვეტა

14.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

14.2 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

14.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. სხვა პირობები

15.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

15.2. ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

15.4 „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომვრაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.

15.5 „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე იმ შემთხვევაში, თუ აღნიშნული შეცდომა/ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარსს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

16. მხარეთა იურიდიული რეკვიზიტები

შემსყიდველი:

ქალაქ თბილისის მუნიციპალიტეტის მერია
მის: ქ. თბილისი,
ქ. შარტავას ქ. N7
სახელმწიფო ხაზინა
კოდი: TRESGE22
ა/ა # GE24NB0330100200165022
ს/კოდი: 204521794

ქალაქ თბილისის მუნიციპალიტეტის
მერიის ადმინისტრაციის პირველადი
სტრუქტურული ერთეულის
ხელმძღვანელი (ადმინისტრაციის უფროსი)

ვ. ჭილაძე



მიმწოდებელი:

შპს „R-deluxe“
მის: ქ. თბილისი,
სამტრედიის ქ. N51, ბ. 91
სს „ბაზის ბანკი“
კოდი: CBASGE22
ა/ა № GE79BS0000000047836134
ს/კოდი: 401965897

შპს „R-deluxe“ -ის
დირექტორი

ბ. გოგოლაძე



მომსახურების ხარჯთაღრიცხვა

N	დასახელება	რაოდენობა	ერთეულის ღირებულება (ლარი)	საერთო ღირებულება (ლარი)
1	კოსტიუმირებული მსახიობების ჰონორარი	20	2950.00	59000.00
2	ბუტაფორიით და რეკვიზიტებით მომსახურება	10	2600.00	26000.00
3	საჰაერო ნომრების ტექნიკური აღჭურვილობით მომსახურება	5	3124.00	15620.00
4	„პატარა პრინცის“ შემოქმედებითი ჯგუფის ჰონორარი (დამდგმელი მხატვარი, კომპოზიტორი, რეჟისორის ასისტენტი, ტექნიკური რეჟისორი, სცენის მენეჯერი, ლოკაციის მენეჯერი)	6	3000.00	18000.00
5	რეჟისორის ჰონორარი	1	7965.00	7965.00
6	სარეპეტიციო დარბაზით მომსახურება	1	3000.00	3000.00
	სულ ჯამი			129585.00

შემსყიდველი:

ქალაქ თბილისის მუნიციპალიტეტის
მერიის ადმინისტრაციის პირველადი
სტრუქტურული ერთეულის
ხელმძღვანელი (ადმინისტრაციის უფროსი)

ვ. ქილაძე



მიმწოდებელი:

შპს „R-deluxe“ -ის
დირექტორი

გ. გოგოლაძე



გასაწევი მომსახურების აღწერილობა

ღონისძიების სახელწოდება: 2020 წლის შობა - ახალი წლის დღესასწაულისადმი მიძღვნილი წარმოდგენა „პატარა პრინცი“.

თარიღი და დრო: 2020 წლის 5 და 10 იანვარი; 20:00 საათი.

ლოკაცია: ქ. თბილისი, პირველი რესპუბლიკის მოედანი

2020 წლის 5 და 10 იანვარს, პირველი რესპუბლიკის მოედანზე, ანტუნ დე სენტ-ეგზიუპერის „პატარა უფლისწულის“ მიხედვით დადგმული წარმოდგენა - „პატარა პრინცი“ გაიმართება. სანახაობა შექმნილია თეატრის, ქორეოგრაფიის, თანამედროვე ცეკვის და საცირკო ნომრების გამოყენებით. შოუს ხანგრძლივობა - არანაკლებ 45 წუთი.

წარმოდგენის ძირითადი თემატიკას წარმოადგენს პლანეტებს შორის მოგზაურობა. მთავარი გმირი გადაიქცევა პატარა პრინცად და მოგზაურობს სხვადასხვა პლანეტაზე, სადაც მას ხვდებიან პლანეტის ბინადრები: მელია, მეფე და მისი ამალა, გველი, ვარდი, გამომთვლელი, პილოტი, თანამგზავრი მეფანრე. წარმოდგენაში ჩართულნი არიან სხვადასხვა დისციპლინის არტისტები და მოცეკვავეები, მხატვრული ტანვარჯიშის სპორტსმენები, აკრობატები, თეატრის მსახიობები და საჰაერო ეკვილიბრისტები, ქორო.

გამომსახველობისათვის გამოყენებულია შერეული სანახაობრივი ტექნიკა: მონოციკლი, ოჩოფეხი, რგოლები, საჰაერო ფარდა, ე.წ „საჰაერო რემენი“, სპირალი, როლერი, „პიქსელ პოი“, ლენტები, „სლექლანინი“ და სხვა სპეციალური ეფექტები.

სპეციალურად ამ შოუსათვის, შეიქმნება კოსტიუმები, რომლებსაც გმირები შეიცვლიან სხვადასხვა როლის შესრულებისას. გამოყენებული იქნება სხვადასხვა მასალა: ხავერდი, წული, მელიპა, ორგანზა. კოსტიუმები შეიქმნება სპეციალური ტექნიკით, გათვალისწინებული იქნება ფიზიკური თეატრის და ვერტიკალური უსაფრთხოების აღჭურვილობის გამოყენების სპეციფიკა, რათა არტისტებმა სხვადასხვა სივრცეში (ჰორიზონტალური, ვერტიკალური) შეუფერხებლად იმუშაონ.

სპექტაკლში გამოყენებული იქნება შემდეგი ბუტაფორია და რეკვიზიტები: წიგნი, 2 ერთეული დიდი ბალიში, 4 ერთეული დასაკიდი სანათი, 4 ერთეული ჩამოსაკიდებელი გველი, 4 ერთეული განათებიანი რგოლი საქანელა, 4 ერთეული ყვავილი განათებით, მეფის სავარძელი პედესტალით, 8 ერთეული დეკორატიული პლანეტა, ტელესკოპი, ვარსკვლავები, ნაჭრის ფარდები - ჯამურად 180 მეტრი.

საჰაერო ნომრების ტექნიკური შესრულებისათვის, გამოყენებული იქნება ვერტიკალური უსაფრთხოების აღჭურვილობა (კარაბინი, ჯალამბარი, ჟუმარი, სვიველი, სტატიკური თოკი, დაცვის ქამარი) და ინსტრუქტორები.

ზემოაღნიშნული სპექტაკლის მოსამზადებელ სამუშაოებზე და შეუფერხებლად ჩატარებაზე იზრუნებს შემოქმედებითი ჯგუფი (რეჟისორი, დამდგმელი მხატვარი, კომპოზიტორი, ასისტენტი, ტექნიკური რეჟისორი, სცენის მენეჯერი, ლოკაციის მენეჯერი).


შემსყიდველი იტოვებს უფლებას ხელშეკრულების გაფორმების შემდგომ მიმწოდებელთან შეთანხმებით შეცვალოს (დააზუსტოს) მომსახურების გაწევის ზუსტი თარიღი, დრო, ადგილი და გასაწევი მომსახურება.

ხელწერილი
ინტერესთა კონფლიქტის არარსებობის შესახებ

ქ. თბილისი

ქვემოთ ხელის მომწერი და ხელშეკრულების გაფორმებაზე უფლებამოსილი პირი ვადასტურებ, რომ 2020 წლის შობა-ახალი წლის დღესასწაულის აღნიშვნასთან დაკავშირებით, ანტუან დე სენტ-ეგზიუპერის „პატარა უფლისწულის“ მიხედვით დადგმული წარმოდგენის - „პატარა უფლისწული“ გამართვის ორგანიზების მომსახურების სახელმწიფო შესყიდვის განხორციელებაში, მიმწოდებელთან (შპს „R-deluxe“) მიმართებაში, ჩემი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და შესყიდვაში მონაწილეობით ინტერესთა კონფლიქტში არ ვიმყოფები.

ქალაქ თბილისის მუნიციპალიტეტის
მერიის ადმინისტრაციის პირველადი
სტრუქტურული ერთეულის ხელმძღვანელი
(ადმინისტრაციის უფროსი)

 ვლადიმერ ჭილაძე

ხელწერილი
ინტერესთა კონფლიქტის არარსებობის შესახებ

ქ. თბილისი

13.12.2019 წელი

ჩვენ, ქვემოთ ხელის მომწერნი ვადასტურებთ, რომ 2020 წლის შობა-ახალი წლის დღესასწაულის აღსანიშნავად დაგეგმილი ღონისძიებების განსახორციელებლად მიმწოდებლების (შპს "კონსონანს პროდაქშენი", შპს "პიუმბ ივენთსი", შპს "ვიზარდ ივენთსი", შპს "ქეი ივენთსი", შპს "თი სი ეიჩ", შპს "თუთა", შპს "ივენთ პრომოუშენ", შპს "R-Deluxe") შერჩევის პროცესში ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და შესყიდვებში მონაწილეობით ინტერესთა კონფლიქტში არ ვიმყოფებით.

ქალაქ თბილისის მუნიციპალიტეტის მერის მოადგილე

სოფიო ხუნწარია

ქალაქ თბილისის მუნიციპალიტეტის მერიის ადმინისტრაციის პირველადი სტრუქტურული ერთეულის ხელმძღვანელის მოადგილე (ადმინისტრაციის უფროსის მოადგილე)

თეა თევდორაშვილი

ქალაქ თბილისის მუნიციპალიტეტის მერიის ადმინისტრაციის მეორადი სტრუქტურული ერთეულის ხელმძღვანელი (სამსახურის უფროსი)

ნინო ბუცხრიკიძე

ქალაქ თბილისის მუნიციპალიტეტის მერიის ადმინისტრაციის მეორადი სტრუქტურული ერთეულის ხელმძღვანელი (სამსახურის უფროსის მოადგილე)

დავით ბერია

ქალაქ თბილისის მუნიციპალიტეტის მერიის ადმინისტრაციის ღონისძიებათა უზრუნველყოფის სამსახურის მერზე კატეგორიის უფროსი სპეციალისტი

ნესტან შველაძე

ქალაქ თბილისის მუნიციპალიტეტის მერიის ადმინისტრაციის შრომითი ხელშეკრულებით დასაქმებული პირი

ირაკლი ჩაჩიანი